

Zavod zdravstvenog osiguranja i reosiguranja
Federacije Bosne i Hercegovine

Pregled prioriteta (finansijski zahtjev)
Zavoda zdravstvenog osiguranja i reosiguranja
Federacije Bosne i Hercegovine
za period 2023. – 2025. godina

Sarajevo, mart 2022. godine

Sadržaj

1. Uvod	1
2. Djelatnost Federalnog zavoda osiguranja i reosiguranja	1
3. Finansiranje djelatnosti Federalnog zavoda osiguranja i reosiguranja	2
4. Posebni dio pregleda prioriteta (finansijskog zahtjeva) za period 2023.- 2025. godina.....	3
5. Pregled programa.....	3
6. Ukupno svi programi.....	12
7. Prilozi - tabele.....	12

1. Uvod

Odredbama Zakona o budžetima u Federaciji Bosne i Hercegovine ("Sl. novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18 i 11/19), propisana je obaveza izrade prijedloga prioriteta (finansijski zahtjev), na osnovu kojih se sačinjava Dokument okvirnog budžeta za srednjoročni period, za sve korisnike budžetskih sredstava i vanbudžetske fondove.

Pregled prioriteta (finansijski zahtjev) za trogodišnji period sačinjen je u skladu sa Budžetskim instrukcijama br.1 za period 2023.-2025. godina, koji je osnova za izradu budžeta za 2022. godinu i izradu Dokumenta okvirnog budžeta za period 2023.-2025. godina.

U Budžetskim instrukcijama br.1 navedeno je da se zahtjevi za potrebnim sredstvima iz Budžeta FBiH dostavljaju Federalnom ministarstvu finansija putem BP MIS aplikacije.

Saglasno uputama Federalnog ministarstva zdravstva, Federalni zavod zdravstvenog osiguranja i reosiguranja nije u obavezi svoj zahtjev raditi u aplikaciji BP MIS, obzirom da nije budžetski korisnik niti je navedena aplikacija instalirana u Federalnom zavodu osiguranja i reosiguranja, odnosno nije provedena ni obuka za rad u navedenoj aplikaciji.

Pregled prioriteta (finansijski zahtjev) Federalnog zavoda osiguranja i reosiguranja za period 2023.-2025. godina sačinjen je, prema ekonomskoj klasifikaciji, u aplikaciji koja je korištena u prethodnim godinama, s tim da se na isti dodaju kolone za izvršenje za 2021. godinu, plan za 2022. godinu i projekcija za period 2023.-2025. godina.

Ukupni rashodi programa se sastoje iz rashoda programa i pripadajućih rashoda Stručne službe.

Rashodi stručne službe čine:

Konto	Naziv
6111	Bruto plate
6112	Naknade troškova zaposlenih
6121	Doprinosi poslodavca
6131	Putni troškovi
6132	Izdaci za energiju
6133	Izdaci za komunikaciju i komunalne usluge
6134	Administrativni materijal
6135	Usluge prijevoza i gorivo Stručne službe
6137	Izdaci za tekuće održavanje
6138	Izdaci osiguranja, bankarskih usluga i usluga platnog prometa
6139	Ostale usluge i rashodi stručne službe

2. Djelatnost Federalnog zavoda osiguranja i reosiguranja

U skladu sa Zakonom o zdravstvenom osiguranju ("Službene novine Federacije Bosne i Hercegovine", broj: 30/97, 07/02, 70/08, 48/11 i 36/18), Federalni zavod osiguranja i reosiguranja, u okviru svoje registrovane djelatnosti, obavlja poslove:

praćenja politike sprovođenja i unapređivanja obaveznog zdravstvenog osiguranja i koordinacija rada kantonalnih zavoda osiguranja;

- izrade podzakonskih akata u vezi sa ostvarivanjem prava iz obaveznog zdravstvenog osiguranja;

- planiranja i prikupljanja sredstava za ostvarivanje osnovne djelatnosti Federalnog zavoda osiguranja i reosiguranja i posebno federalnog fonda solidarnosti;
- provođenja postupka nabavki za nabavku lijekova i medicinskih materijala u svrhu realizacije programa federalnog fonda solidarnosti, i nabavku potrošnog materijala i sredstava za rad Stručne službe Zavoda, a u skladu sa Zakonom o javnim nabavkama;
- zaključivanje ugovora o pružanju zdravstvenih usluga i nabavci lijekova i medicinskih materijala, praćenja realizacije zaključenih ugovora, plaćanja i kontrole izvršenih zdravstvenih usluga iz programa federalnog fonda solidarnosti;
- priprema osnove za utvrđivanje cijena i cjenovnika zdravstvenih usluga iz osnova obaveznog zdravstvenog osiguranja,
- izrada obračuna ukupnih sredstava ostvarenih i utrošenih u zdravstvu Federacije Bosne i Hercegovine,
- poslove praćenja provođenja zdravstvene zaštite po osnovu međunarodnih konvencija i sporazuma o zdravstvenom osiguranju i zdravstvene zaštite po osnovu detašmana i po osnovu provođenja međunarodnih ugovora o socijalnom osiguranju

Pored navedenog u nadležnosti Federalnog zavoda je i obezbjeđivanje ostvarivanja prava iz bolničke zdravstvene zaštite povratnika iz Federacije Bosne i Hercegovine u Republiku Srpsku saglasno odredbama Odluke o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine.

3. Finansiranje djelatnosti Federalnog zavoda osiguranja i reosiguranja

Federalni zavod osiguranja i reosiguranja finansira se iz prihoda koji se ostvaruju u skladu sa Zakonom o zdravstvenom osiguranju, podzakonskim i drugim aktima donesenim na osnovu tog Zakona.

Prihodi Federalnog zavoda osiguranja i reosiguranja ostvaruju se iz slijedećih izvora:

- prihoda od doprinosa za obavezno zdravstveno osiguranje,
- prihoda iz Budžeta Federacije Bosne i Hercegovine,
- prihoda od dodatnog doprinosa za zdravstveno osiguranje detaširanih radnika,
- ostalih prihoda.

Prihodi od doprinosa za obavezno zdravstveno osiguranje ostvaruju se izdvajanjem iz ukupne stope doprinosa u procentu koji Vlada Federacije Bosne i Hercegovine utvrđuje za svaku godinu, a u svrhu finansiranja zdravstvene zaštite koja se finansira sredstvima federalnog fonda solidarnosti. Za 2022. godinu planirana je visina stope izdvajanja za federalni fond solidarnosti od 10,2% Navedena stopa primjenjuje se na uplate doprinosa za zdravstveno osiguranje svih osiguranika u Federaciji Bosne i Hercegovine. Pored toga, u federalni fond solidarnosti se izdvaja 10,2% od iznosa paušalnih uplata po osnovu zdravstvenog osiguranja po međunarodnim ugovorima i konvencijama, a navedena sredstva će se koristiti za finansiranje pružanja zdravstvenih usluga iz programa federalnog fonda solidarnosti osiguranim licima po osnovu ovog osiguranja.

Ukupni rashodi u ovom finansijskom zahtjevu se raspoređuju na pojedinačne programe (ukupno 5 programa) od kojih se najveći dio odnosi na programe zdravstvene zaštite koji se finansiraju sredstvima federalnog fonda solidarnosti (program 1 i 2) i manjim dijelom na ostale programe (3, 4 i 5) vezane za sveukupno funkcioniranje Federalnog zavoda osiguranja i reosiguranja. Programi su definisani Trogodišnjim planom rada za period 2022-2024. godine i godišnjim planom rada za 2022. godinu.

Finansiranje programa koji su definisani ovim zahtjevom će se vršiti iz sredstava Budžeta FBiH i sredstava od doprinosa za obavezno zdravstveno osiguranje koji se u zahtjevu tretiraju kao vlastita sredstva.

4. Posebni dio pregleda prioriteta (finansijskog zahtjeva) za period 2023.-2025. godina

Cilj izrade pregleda prioriteta (finansijskog zahtjeva) Federalnog zavoda osiguranja i reosiguranja je da se, za period od tri godine, sačine projekcije potrebnih sredstava za realizaciju programa koji su u nadležnosti i u okviru registrirane djelatnosti Federalnog zavoda osiguranja i reosiguranja.

Svrha izrade ovog dokumenta je da se provedu planirane aktivnosti u skladu sa strateškim ciljevima Federalnog zavoda osiguranja i reosiguranja, koji su usklađeni sa strateškim dokumentima u oblasti zdravstva u Federaciji BiH.

Pregled prioriteta (finansijskog zahtjeva) Federalnog zavoda osiguranja i reosiguranja za period 2023.-2025. godina sačinjen je na osnovu:

- Budžetskih instrukcija br. 1 za period 2023.-2025. godina,
- Finansijskog plana Federalnog zavoda osiguranja i reosiguranja i federalnog fonda solidarnosti za 2022. godinu,
- Odluke o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije Bosne i Hercegovine" broj: 08/05, 11/07, 44/07, 97a/07, 33/08 i 52/08), u daljem tekstu: "Odluka o prioriteta programima",
- Odluke o utvrđivanju osnovnog paketa zdravstvenih prava ("Službene novine Federacije Bosne i Hercegovine", broj: 21/09),
- Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije Bosne i Hercegovine", broj 22/02 i 11/05),
- Pravilnika o uslovima i postupku upućivanja osiguranih lica na liječenje u inostranstvo ("Službene novine Federacije BiH, br.93/13, 102/15, 16/19 i 22/19),
- Izvještaja o izvršenju Finansijskog plana Federalnog zavoda osiguranja i reosiguranja i Izvještaju o izvršenju Finansijskog plana federalnog fonda solidarnosti (Anex I) za 2021. godinu.
- Trogodišnjeg plana rada Zavoda zdravstvenog osiguranja i reosiguranja FBiH za period 2022-2024. godine

U skladu sa navedenim dokumentima, Federalni zavod osiguranja i reosiguranja je sačinio projekciju potrebnih sredstava i rashoda za planirane programe u periodu od 2023.-2025. godine.

5. Pregled programa

Pregled prioriteta (finansijski zahtjev) za period od 2023. –2025. godina, dat je u tabelama u prilogu.

Programi zdravstvene zaštite koji se provode i finansiraju na teret sredstava federalnog fonda solidarnosti, definisani su u 5 pojedinačnih programa u ovom finansijskom zahtjevu za period 2023-2025. godina, a kako slijedi:

Program 1	Obezbjedjivanje prava na zdravstvene usluge koje se finansiraju sredstvima federalnog fonda solidarnosti
Program 2	Obezbjedjivanje prava na lijekove i medicinska sredstva koji se finansiraju sredstvima federalnog fonda solidarnosti

Program 3	Ostvarivanje prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u F BiH
Program 4	Obezbjediavanje prava osiguranim licima u FBiH na korištenje zdravstvene zaštite u inostranstvu saglasno Pravilniku o uvjetima i postupku upućivanja osiguranih lica na liječenje u inostranstvo
Program 5	Zdravstvena zaštita u inostranstvu (za detaširane radnike) i po osnovu provođenja međunarodnih ugovora o socijalnom osiguranju

Program 1 - Obezbjediavanje prava na zdravstvene usluge koje se finansiraju sredstvima federalnog fonda solidarnosti

Ovaj program se odnosi na zdravstvene usluge koje se finansiraju iz sredstava fonda solidarnosti. Zdravstvene usluge iz ovog programa su definirane Programom zdravstvene zaštite koji se finansira sredstvima federalnog fonda solidarnosti, a pružaju se u zdravstvenim ustanovama u Federaciji BiH, sa kojima Federalni zavod osiguranja i reosiguranja zaključuje ugovore za svaku godinu. Sve ugovorne zdravstvene ustanove su rješenjem Federalnog ministarstva zdravstva verifirane za pružanje zdravstvenih usluga koje su sadržane u Programu. Usluge iz ovog programa se najvećim dijelom finansiraju sredstvima doprinosa za obavezno zdravstveno osiguranje, koja su u ovom dokumentu iskazani u stavci vlastitih sredstava, i manjim dijelom iz Budžeta Federacije BiH.

Programom zdravstvene zaštite su obuhvaćene slijedeće zdravstvene usluge:

- Usluge hronične, akutne hemodijaliza i peritonealna dijaliza;
- Usluge prijevoza na hemodijalizu;
- Usluge radioterapije kod malignih oboljenja;
- Dijagnostičke pretrage za dijagnosticiranje hepatitisa B i C;
- Usluge ugradnje kohlearnog implantata kod djece;
- Humana reprodukcija lica sa invaliditetom;
- Usluge dobrovoljnog, anonimnog i besplatnog savjetovanja i testiranja na HIV/AIDS;
- Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu;
- Usluge invazivno-interventne kardiologije i kardiohirurški operativni zahvati;
- Usluge najsloženijih operativnih zahvata iz oblasti neurohirurgije;
- Usluge najsloženijih operativnih zahvata iz oblasti ortopedije i traumatologije;
- Usluge najsloženijih operativnih zahvata iz oblasti torakohirurgije;
- Usluge transplantacije (priprema za transplantaciju sa transplantacijom jetre, bubrega, koštane srži, rožnice);
- Usluge nuklearne medicine - visokodozna terapija karcinoma štitnjače radioaktivnim jodom J-132;
- Usluge terapije bolnih koštanih metastaza;
- Usluge PET/CT za djecu do navršених 18 godina starosti;
- Usluge najsloženijih operativnih zahvata iz oblasti vaskularne hirurgije i invazivno-interventne dijagnostičko terapijske procedure na krvnim sudovima;
- Usluge najsloženijih oblika zdravstvene zaštite iz oblasti urologije (inplantacija vještačkog sfinktera uretre i cistektomija sa supavezikalnom derivacijom);
- Terapija određenih težih oboljenja hiperbaričnom komorom.

Za Program 1. za period 2023-2025. godine planirana su sredstva kako slijedi u tabeli.

PROCJENA TROŠKOVA PROGRAMA						
Obezbjeđivanje prava na zdravstvene usluge koje se finansiraju sredstvima federalnog fonda solidarnosti		Izvršenje	Plan	Procjena		
		2021	2022	2023	2024	2025
IZVORI FINANSIRANJA						
1	Rashodi programa	66.835.102	64.120.000	83.210.000	85.620.000	87.900.000
2	Pripadajući rashodi stručne službe	1.198.675	1.421.846	1.590.177	1.589.953	1.590.284
	Ukupno rashodi programa	68.033.777	65.541.846	84.800.177	87.209.953	89.490.284
Izvor finansiranja						
4	Sredstva iz Budžeta F BiH	11.500.000	11.500.000	32.460.000	33.850.000	34.470.000
5	Vlastita sredstva (doprinosi i ostali izvori)	56.533.777	54.041.846	52.340.177	53.359.953	55.020.284
	Ukupni rashodi za program	68.033.777	65.541.846	84.800.177	87.209.953	89.490.284

Ukupno planirani rashodi Programa 1 u 2023. godini iznose 84.800.177 KM i odnose se na rashode programa 83.210.000 KM i 1.590.177 KM pripadajućih rashoda Stručne službe.

Po strukturi finansiranja za 2023. godinu planirana su sredstva iz Budžeta FBiH u iznosu od 32.460.000 KM, dok je ostatak sredstava u iznosu od 52.340.177 KM planiran iz vlastitih izvora, odnosno doprinosa.

Planirana sredstva iz Budžeta FBiH za 2023. godinu su veća za 20.960.000 KM od planiranih sredstava u 2022. godini. Planirano povećanje se najvećim dijelom odnosi na sredstva za finansiranje usluga BMPO (biomedicinski potpomognuta oplodnja), koja je planirana da se uvrsti u program fonda solidarnosti od 2023. godine. Planirana sredstva namjenskog transfera za ovu namjenu u 2023. godini iznose 10.000.000 KM.

Od ostalih programa značajnije povećanje rashoda je planirano kod usluga kardiologije i kardiohirurgije, vaskularne hirurgije, transplantologije, radioterapije i naročito troškova prevoza na dijalizu dijaliziranih pacijenata.

Planirana sredstva za finansiranje prevoza dijaliziranih pacijenata u 2023. godini iznose 3.500.000 KM što je za 1.700.000 KM više od sredstava koja su planirana u 2022. godini. Trenutne cijene prevoza na dijalizu dijaliziranih pacijenata koje finansira ovaj Zavod su utvrđene kada su cijene goriva na tržištu bile niže za 50%. Uslijed krize izazvane ratom u Ukrajini, poremećajima na tržištu i skokom cijena goriva znatno je otežan rad dijaliznih centra. Na osnovu trenutnih cijena goriva na tržištu, prosječnog broja prevoza u posljednje 4 godine procjena je da za pokriće troškova prevoza dijaliziranih pacijenata potrebna su dodatna sredstva u iznosu od 1.700.000 KM na godišnjem nivou u odnosu na trenutno planirana sredstva. Federalni zavod nije u mogućnosti samostalno obezbjeđiti potrebna sredstva te je potrebno povećanje finansiranja iz Budžeta FBiH.

Pregled planiranih rashoda zdravstvenih usluga iz Programa 1.

	Izvršenje 2021.	Plan 2022.	Procjena 2023.	Procjena 2024.	Procjena 2025.
Pripadajući troškovi stručne službe	1.198.675	1.421.846	1.590.177	1.589.953	1.590.284
Zdravstvene usluge	66.835.102	64.120.000	83.210.000	85.620.000	87.900.000
Dijagnostičke pretrage za dijagnosticiranje hepatitisa B i C	127.210	100.000	200.000	200.000	200.000
Hronična, akutna hemodijaliza i peritonealna dijaliza	6.320.586	7.200.000	7.300.000	7.400.000	7.500.000
Humana reprodukcija lica sa invaliditetom	0	20.000	10.000.000	10.000.000	10.000.000

Kardiologija i kardiohirurgija u FBiH	38.710.780	35.000.000	40.000.000	41.200.000	42.200.000
Najsloženiji oblici zdravstvene zaštite iz oblasti urologije (implantacija vještačkog sfinktera uretre i cistektomija sa supravazikalnom derivacijom)	150.800	140.000	150.000	150.000	150.000
Neurohirurgija u FBiH	4.479.063	4.000.000	4.600.000	4.800.000	5.000.000
Nuklearna medicina - visokodozna terapija karcinoma štitnjače radioaktivnim jodom J-132	230.934	250.000	250.000	250.000	250.000
Ortopedija i traumatologija	480.581	500.000	550.000	570.000	600.000
Prijevoz na hemodijalizu	1.613.560	1.800.000	3.500.000	3.500.000	3.500.000
Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	167.741	250.000	250.000	250.000	250.000
Radioterapija kod malignih oboljenja	6.617.753	7.100.000	7.500.000	7.700.000	8.000.000
Terapija hiperbaričnom komorom	50.000	50.000	50.000	50.000	50.000
Torakohirurgija	407.752	400.000	450.000	470.000	490.000
Transplantacija (priprema za transplantaciju sa transplantacijom jetre, bubrega, koštane srži, rožnice)	2.732.311	2.500.000	3.200.000	3.670.000	4.100.000
Ugradnja kohlearnog implantata kod djece	106.981	200.000	300.000	300.000	300.000
Usluge dobrovoljnog, anonimnog i besplatnog savjetovanja i testiranja na HIV/AIDS	83.031	100.000	100.000	100.000	100.000
Usluge PET/CT za djecu do navršanih 18 godina starosti	4.688	10.000	10.000	10.000	10.000
Vaskularna hirurgija	4.551.331	4.500.000	4.800.000	5.000.000	5.200.000
UKUPNO RASHODI PROGRAMA	68.033.777	65.541.846	84.800.177	87.209.953	89.490.284

Program 2. - Obezbjedjivanje prava na lijekove i medicinska sredstva koji se finansiraju sredstvima federalnog fonda solidarnosti

Ovaj program se odnosi lijekove i medicinska sredstva definirane Programom zdravstvene zaštite koji se finansiraju sredstvima federalnog fonda solidarnosti, a u skladu sa Odlukom o Listi lijekova fonda solidarnosti FBiH i Uputstvom o primjeni lijekova koji se finansiraju sredstvima federalnog fonda solidarnosti. Nabavku lijekova i medicinskih sredstava iz ovog programa vrši Federalni zavod osiguranja i reosiguranja u skladu sa Zakonom o javnim nabavkama i na osnovu Plana javnih nabavki koji se donosi za svaku godinu. Sredstva za nabavku lijekova i medicinskih sredstava se najvećim dijelom obezbjeđuju iz doprinosa za obavezno zdravstveno osiguranje, koja su u ovom dokumentu iskazani u stavci vlastitih sredstava, i manjim dijelom iz Budžeta Federacije BiH.

Ovim programom su obuhvaćeni slijedeći lijekovi i medicinska sredstva:

- Lijekovi za liječenje malignih oboljenja (citostatici);
- Lijekovi za dijalizu;
- Potrošni materijal hronične, akutne i peritonealne dijalize;
- Lijekovi za liječenje oboljelih od hemofilije;
- Humani imunoglobulin;
- Lijekovi za liječenje oboljelih od hepatitisa B i C;
- Lijekovi za liječenje oboljelih od multiple skleroze;
- Lijekovi za liječenje upalnih bolesti debelog crijeva (Chronove bolesti i ulceroznog kolitisa);
- Lijekovi za liječenje plućne hipertenzije;
- Lijekovi za liječenje tuberkuloze;
- Antiretrovirusni lijekovi za liječenje oboljelih od HIV/AIDS;
- Lijekovi za liječenje profilakse respiratornog sincicijalnog virusa (RSV) ugroženih grupa djece palivizumabom u FBiH;

- Nabavka aparata, pumpica i trakica za kontrolu dijabetesa u krvi za djecu do 18 godina starosti;
- Imunosupresivni lijekovi nakon transplantacije organa.

Za Program 2. za period 2023-2025. godine planirana su sredstva kako slijedi u tabeli.

PROCJENA TROŠKOVA PROGRAMA						
Lijekovi i medicinska sredstva koji se finansiraju sredstvima federalnog fonda solidarnosti		Izvršenje	Plan	Procjena		
		2021	2022	2023	2024	2025
IZVORI FINANSIRANJA						
1	Rashodi programa	120.369.986	106.817.000	157.082.850	161.462.850	165.342.850
2	Pripadajući rashodi stručne službe	1.779.323	2.362.908	2.739.227	2.737.628	2.735.421
	Ukupno rashodi programa	122.149.309	109.179.908	159.822.077	164.200.478	168.078.271
Izvor finansiranja						
4	Sredstva iz Budžeta F BiH	17.000.000	17.000.000	53.300.000	54.700.000	55.240.000
5	Vlastita sredstva (doprinosi i ostali izvori)	105.149.309	92.179.908	106.522.077	109.500.478	112.838.271
	Ukupni rashodi programa	122.149.309	109.179.908	159.822.077	164.200.478	168.078.271

Ukupno planirani rashodi Programa 2 u 2023. godini iznose 159.822.077 KM i odnose se na 157.082.850 KM rashode programa i 2.739.227 KM pripadajućih rashoda Stručne službe.

Po strukturi finansiranja planirana su sredstva iz Budžeta FBiH u iznosu od 53.300.000 KM, dok je ostatak sredstava u iznosu od 106.522.077 KM planiran iz vlastitih izvora, odnosno doprinosa.

Planirana sredstva iz Budžeta FBiH za 2023. godinu su veća za 36.300.000 KM od planiranih sredstava u 2022. godini. Planirano povećanje se najvećim dijelom odnosi na sredstva za finansiranje lijekova za liječenje malignih oboljenja i lijekova za liječenje multiple skleroze.

Uvođenjem u finansiranje liječenja metastatskog melanoma 2018. godine, kao i donošenjem nove Odluke o Listi lijekova Fonda solidarnosti 2019. godine kada je uveden značajan broj novih lijekova, troškovi lijekova za liječenje malignih oboljenja su značajno porasli sa tendencijom stalnog rasta.

Poređenja radi, troškovi lijekova za liječenje metastatskog melanoma su sa početnih 2 mil. KM u 2018. godini zaključno sa 31.12.2021. godine iznosili 9 mil. KM na godišnjem nivou.

Federalni zavod nije bio u mogućnosti da iz raspoloživih sredstava zadovolji potrebe svih pacijenata te je iz tog razloga bilo nužno formiranje liste čekanja za pojedine lijekove. Trenutno se na listi čekanja nalazi cca 650 pacijenata za čije liječenje bi na godišnjem nivou bila potrebna dodatna sredstva u iznosu od 35.000.000 KM i to za citostatike 33.500.000 KM i za lijekove za liječenje multiple skleroze 1.500.000 KM.

U skladu sa navedenim, Federalni zavod nije u mogućnosti iz vlastitih prihoda (doprinosa) obezbijediti potrebna sredstva bez značajnije pomoći Vlade FBiH.

Iz tog razloga je ovim finansijskim zahtjevom traženo značajnije povećanje budžetskih sredstava za fond solidarnosti u 2023. godini.

S obzirom na važnost uloge koju ima ovaj zavod, kao i realne potrebe pacijenta smatramo da je zahtjev opravdan.

Pregled potrebnih sredstava za pacijente na listama čekanja

R. br.	Naziv lijeka	Potrošnja po pac. za 12 mj. period liječenja	Broj pacijenata na listi čekanja sa 31.12.2021. godine	Procjena sredstava potrebnih
	CITOSTATICI		551	33.422.186
1	octreotid	9.123	7	63.860
2	kabazitaksel	40.425	1	40.425
3	ruksolitinib	79.140	7	553.980
4	trastuzumab	18.736	42	786.928
5	bevacizumab	37.458	82	3.071.572
6	pertuzumab	56.766	36	2.043.565
7	sunitib	47.258	13	614.359
8	sorafenib	52.151	9	469.361
9	nilotinib	53.494	2	106.988
10	pazopanib	66.956	2	133.911
11	palbociklib	61.201	34	2.080.839
12	ribociklib	74.742	59	4.409.774
13	bortezomib	28.665	56	1.605.238
14	fulvestrant	8.057	49	394.787
15	enzalutamid	55.551	33	1.833.198
16	atezolizumab	111.179	71	7.893.696
17	pembrolizumab	187.597	23	4.314.740
18	venetoklaks	161.096	13	2.094.253
19	alektinib	77.409	4	309.637
20	brentuksimab	154.114	2	308.228
21	darolutamid	48.808	6	292.847
	MULTIPLA SKLEROZA		100	1.505.182
1	dimetil fumarat	11.551	6	69.304
2	glatiramer acetat	2.628	15	39.426
3	interferon beta-1a	13.148	27	355.000
4	interferon beta-1b	10.256	9	92.302
5	metenkefalin tridecatid	15.606	5	78.032
6	okrelizumab	20.792	27	561.393
7	siponimod	28.157	11	309.726
	UKUPNO LIJEKOVI		651	34.927.368

Pregled planiranih rashoda lijekova i potrošnog medicinskog materijala iz Programa 2.

	Izvršenje 2021.	Plan 2022.	Procjena 2023.	Procjena 2024.	Procjena 2025.
Pripadajući troškovi stručne službe	1.779.323	2.362.908	2.739.227	2.737.628	2.735.421
Lijekovi i potrošni med.materijal	120.369.986	106.817.000	157.082.850	161.462.850	165.342.850
Antiretrovirusni lijekovi za liječenje oboljelih od HIV/AIDS	1.246.507	1.100.000	1.300.000	1.350.000	1.400.000
Citostatici	68.943.857	56.787.000	101.997.850	104.998.850	107.997.850
Humani imunoglobulin	637.031	800.000	800.000	824.000	750.000
Imunosupresivni lijekovi nakon transplantacije organa	1.907.810	2.000.000	2.100.000	2.200.000	2.000.000
Lijekovi za dijalizu	5.968.217	6.200.000	6.300.000	6.400.000	6.500.000
Lijekovi za liječenje Multiple skleroze	6.296.918	5.500.000	7.800.000	8.000.000	8.200.000
Lijekovi za liječenje oboljelih od hemofilije	9.206.738	7.850.000	9.500.000	9.800.000	10.000.000
Lijekovi za liječenje oboljelih od hepatitisa B i C	2.750.275	3.500.000	3.500.000	3.500.000	3.500.000
Lijekovi za liječenje plućne hipertenzije	202.279	250.000	250.000	250.000	250.000
Lijekovi za liječenje tuberkuloze	85.575	80.000	85.000	90.000	95.000
Lijekovi za liječenje upalnih bolesti debelog crijeva (Chronove bolesti i ulceroznog kolitisa)	3.582.947	3.100.000	3.600.000	3.700.000	3.800.000
Nabavka traka i aparata za kontrolu dijabetesa	648.251	800.000	800.000	800.000	800.000
Potrošni materijal hronične, akutne i peritonealne dijalize	17.508.205	17.500.000	17.700.000	18.200.000	18.700.000
Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.385.376	1.350.000	1.350.000	1.350.000	1.350.000
Ukupni rashodi programa	122.149.309	109.179.908	159.822.077	164.200.478	168.078.271

Program 3. Ostvarivanje prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u F BiH

Ovaj program se odnosi na osiguranje prava iz bolničke zdravstvene zaštite povratnika iz Federacije BiH u R. Srpsku u zdravstvenim ustanovama u Federaciji BiH. Navedena prava iz bolničke zdravstvene zaštite se ostvaruju saglasno odredbama Odluke o ostvarivanju prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u Federaciji BiH ("Sl.novine Federacije BiH", br. 84/14 i 36/15) i saglasno odredbama Uputstva o načinu ostvarivanja bolničke zdravstvene zaštite povratnika iz Federacije BiH u R Srpsku, po kojima povratnici iz Federacije BiH u R Srpsku ostvaruju ovo pravo saglasno opsegu i vrsti prava iz obaveznog zdravstvenog osiguranja za bolničku zdravstvenu zaštitu, a koja su zajamčena osiguranim osobama u Federaciji BiH saglasno odredbama Zakona o

zdravstvenom osiguranju ("Sl. novine Federacije BiH", br. 30/97, 7/02, 70/08, 48/11 i 36/18).

Za Program 3. za period 2023-2025. godine planirana su sredstva kako slijedi u tabeli.

PROCJENA TROŠKOVA PROGRAMA						
Liječenje povratnika iz FBiH u RS u zdr.ustanovama u FBiH		Izvršenje	Plan	Procjena		
		2021	2022	2023	2024	2025
IZVORI FINANSIRANJA						
1	Rashodi programa	2.128.315	2.000.000	2.200.000	2.200.000	2.200.000
2	Pripadajući rashodi stručne službe	51.478	62.376	65.604	65.283	65.004
	Ukupno rashodi programa	2.179.793	2.062.376	2.265.604	2.265.283	2.265.004
Izvor finansiranja						
4	Sredstva iz Budžeta F BiH	2.000.000	2.000.000	2.200.000	2.200.000	2.200.000
5	Vlastita sredstva (doprinosi i ostali izvori)	179.793	62.376	65.604	65.283	65.004
	Ukupni rashodi za program	2.179.793	2.062.376	2.265.604	2.265.283	2.265.004

Ukupno planirani rashodi Programa 3 u 2023. godini iznose 2.265.604 KM i odnose se na 2.200.000 KM rashode programa i 65.604 KM pripadajućih rashoda Stručne službe. Po strukturi finansiranja ovim finansijskim zahtjevom za 2023. godinu planirana su sredstva iz Budžeta FBiH u iznosu od 2.200.000 KM, dok je ostatak sredstava u iznosu od 65.604 KM planiran iz vlastitih izvora, odnosno doprinosa.

Program 4. - Obezbjedjivanje prava osiguranim licima u FBiH na korištenje zdravstvene zaštite u inostranstvu saglasno Pravilniku o uvjetima i postupku upućivanja osiguranih lica na liječenje u inostranstvo

Ovaj program se odnosi na osiguranje zdravstvene zaštite u inostranstvu za oboljenja koja se ne mogu uspješno liječiti u zdravstvenim ustanovama u Federaciji BiH, saglasno Pravilniku o uslovima i postupku upućivanja osiguranih lica na liječenje u inostranstvo. Ovim programom obuhvaćena su slijedeća oboljenja i stanja: urođene srčane mane kod djece koje se mogu liječiti operativnim putem, oboljenja iz oblasti dječije onkologije, neurohirurška oboljenja djece i odraslih koja se uspješno mogu liječiti neurohirurškom operacijom gama, sajber i trubin nožem, embolizacija, stentiranje i koilovanje krvnih sudova, tumori oka kod djece i odraslih, ekstenzivne opekotine preko 60% površine, oboljenja jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom, oboljenja kod odraslih koja zahtjeva transplantaciju koštane srži, elektrofiziološka ispitivanja kompleksnih aritmija sa eventualnom radiofrekvetnom ablacijom, oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja, osteosarkom kod djece koji se može liječiti operativnim putem i ugradnja cirkulatorne pumpe. Zdravstvene usluge iz ovog programa pružaju se u zdravstvenim ustanovama u inostranstvu, sa kojima Federalni zavod osiguranja i reosiguranja ima zaključene ugovore. Sredstva za finansiranje ovog programa se u cjelosti obezbjeđuju iz doprinosa, odnosno vlastitih sredstava.

Za Program 4. za period 2023-2025. godine planirana su sredstva kako slijedi u tabeli.

PROCJENA TROŠKOVA PROGRAMA						
Liječenje u inostranstvu saglasno Pravilniku o uvjetima i Postupku upućivanja osiguranih Lica na liječenje u inostranstvo		Izvršenje	Plan	Procjena		
		2021	2022	2023	2024	2025
I. IZVORI FINANSIRANJA						
1	Rashodi programa	11.855.987	12.000.000	13.000.000	14.000.000	15.000.000
2	Pripadajući rashodi stručne službe	624.530	727.049	791.899	794.137	796.372
	Ukupno rashodi programa	12.480.517	12.727.049	13.791.899	14.794.137	15.796.372
Izvor finansiranja						
4	Sredstva iz Budžeta F BiH	0	0	0	0	0
5	Vlastita sredstva (doprinosi i ostali izvori)	12.480.517	12.727.049	13.791.899	14.794.137	15.796.372
	Ukupni rashodi za program	12.480.517	12.727.049	13.791.899	14.794.137	15.796.372

Ukupno planirani rashodi Programa 4 u 2023. godini iznose 13.791.899 KM i odnose se na rashode programa 13.000.000 KM i 791.899 KM pripadajućih rashoda Stručne službe. Program 4 u cijelosti će se finansirati iz vlastitih izvora (doprinosa).

Program 5. Zdravstvena zaštita u inostranstvu (za detaširane radnike) i po osnovu provođenja međunarodnih ugovora o socijalnom osiguranju

Ovaj program se odnosi na provođenje zdravstvene zaštite radnika na privremenom radu u inostranstvu (detaširanih radnika), kao i zdravstvene zaštite po osnovu provođenja međunarodnih ugovora o socijalnom osiguranju. Sredstva za zdravstvenu zaštitu detaširanih radnika osiguravaju se uplatom dodatnog doprinosa od strane poslodavaca saglasno Odluci o utvrđivanju posebnog doprinosa za zdravstveno osiguranje zaposlenika na radu u inostranstvu (Odluka Vlade Federacije BiH, V. broj 470/2020 od 26.03.2020. godine). Ukupno ostvarena sredstava se koriste za finansiranje zdravstvene zaštite detaširanih radnika u inostranstvu. Pored toga, od ukupno naplaćenog iznosa izdvaja se 10% na ime obavezne rezerve za zdravstvenu zaštitu detaširanih radnika i 3% za rad Stručne službe, a koji je vezan za poslove u vezi sa ostvarivanjem prava na zdravstvenu zaštitu detaširanih radnika.

Federalni zavod osiguranja i reosiguranja kao organ za vezu provodi međunarodne sporazume o socijalnom osiguranju, vrši obračune troškova zdravstvene zaštite po međunarodnim sporazumima INO nosilaca i kantonalnih zavoda, te realizaciju obračuna u pogledu izmirenja obaveza ino nosilaca i kantonalnih zavoda zdravstvenog osiguranja.

Za Program 5. za period 2023-2025. godine planirana su sredstva kako slijedi u tabeli.

PROCJENA TROŠKOVA PROGRAMA						
Zdravstvena zaštita u inostranstvu (detaširanih radnika) i zdr. zaštita po osnovu provođenja međunarodnih ugovora o socijalnom osiguranju		Izvršenje	Plan	Procjena		
		2021	2022	2023	2024	2025
I. IZVORI FINANSIRANJA						
1	Rashodi programa	750.292	826.500	826.500	826.500	826.500
2	Pripadajući rashodi stručne službe	63.522	73.320	80.242	80.150	80.069
	Ukupno rashodi programa	813.814	899.820	906.742	906.650	906.569
Izvor finansiranja						
4	Sredstva iz Budžeta F BiH	0	0	0	0	0
5	Vlastita sredstva (doprinosi i ostali izvori)	813.814	899.820	906.742	906.650	906.569
	Ukupni rashodi za program	813.814	899.820	906.742	906.650	906.569

Ukupno planirani rashodi Programa 5 u 2023. godini iznose 906.742 KM i odnose se na rashode programa 826.500 KM i 80.242 KM pripadajućih rashoda Stručne službe. Program 5 u cijelosti će se finansirati iz vlastitih izvora (doprinosa detaširanih radnika).

6. Ukupno svi programi

PROCJENA TROŠKOVA PROGRAMA						
		Izvršenje	Plan	Procjena		
		2021	2022	2023	2024	2025
I. IZVORI FINANSIRANJA						
1	Rashodi programa	201.939.682	185.763.500	256.319.350	264.109.350	271.269.350
2	Pripadajući rashodi stručne službe	3.717.528	4.647.500	5.267.150	5.267.150	5.267.150
	Ukupno rashodi programa	205.657.210	190.411.000	261.586.500	269.376.500	276.536.500
Izvor finansiranja						
4	Sredstva iz Budžeta F BiH	30.500.000	30.500.000	87.960.000	90.750.000	91.910.000
5	Vlastita sredstva (doprinosi i ostali izvori)	175.157.210	159.911.000	173.626.500	178.626.500	184.626.500
	Ukupni rashodi za program	205.657.210	190.411.000	261.586.500	269.376.500	276.536.500

7. Prilozi - tabele

Program 1	Obezbjedjivanje prava na zdravstvene usluge koje se finansiraju sredstvima federalnog fonda solidarnosti
Program 2	Obezbjedjivanje prava na lijekove i medicinska sredstva koji se finansiraju sredstvima federalnog fonda solidarnosti
Program 3	Ostvarivanje prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u F BiH
Program 4	Obezbjedjivanje prava osiguranim licima u FBiH na korištenje zdravstvene zaštite u inostranstvu saglasno Pravilniku o uvjetima i postupku upućivanja osiguranih lica na liječenje u inostranstvo
Program 5	Zdravstvena zaštita u inostranstvu (za detaširane radnike) i po osnovu provođenja međunarodnih ugovora o socijalnom osiguranju